



Broj predmeta: 13-000843/20
Broj akta: 03-1151SJ-001/20
Datum, 10.3.2020.. godine
Mjesto, Brčko

Na osnovu člana 21 i 22 Zakona o Vladi Brčko distrikta Bosne i Hercegovine prečišćeni tekst („Službeni glasnik Brčko distrikta BiH“, broj: 22/17, 49/18, 8/19, 10/19 i 32/19), člana 17 stav (1) Zakona o javnim nabavkama („Službeni glasnik BiH“, broj: 39/14), a u skladu sa Odlukom o davanju ovlaštenja, broj: 05-001146/16, broj akta: 01.1-1141SM-0001/16 od 22.12.2016. godine, šef Odjeljenja za javne poslove donosi

POSEBNU ODLUKU
O POKRETANJU POSTUPKA JAVNE NABAVKE

Član 1.

Ovom posebnom odlukom Odjeljenje za javne poslove Vlade Brčko distrikta BiH, pokreće pregovarački postupak bez objave obavještenja sa zaključivanjem okvirnog sporazuma za nabavku usluga obaveznog osiguranja motornih vozila, radnih strojeva i motocikala u vlasništvu Brčko distrikta BiH za period 2020. i 2021. godinu, šifra JRJN:665141110-0.

Član 2.

Zakonski osnov za provođenje postupka javne nabavke predstavlja član 21. stav (1), tačka d) i član 32. Zakona o javnim nabavkama Bosne i Hercegovine.

Član 3.

Procijenjena vrijednost nabavke usluga iz člana 1 ove odluke iznosi: **100.000,00 KM** bez PDV-a.

Član 4.

Finansiranje javne nabavke usluga će se vršiti u skladu sa Odlukama o privremenom finansiranju Odjeljenja i Institucija Brčko distrikta BiH za 2020. i 2021. godinu, a nakon usvajanja budžeta, iz sredstava budžeta Brčko distrikta BiH za 2020. i 2021. godinu, organizacioni kodovi Odjeljenja i Institucija Brčko distrikta BiH, korisnika motornih vozila, ekonomski kod 613800.

Član 5.

Ova odluka stupa na snagu danom donošenja.

ŠEF ODJELJENJA
Sabrija Jašarević, dipl.inž.tehn.

DOSTAVITI:

1. Odjeljenju za javne poslove
Pododjeljenju za javni saobraćaj i održavanje vozila x2
2. Kabinetu gradonačelnika
3. Zamjeniku gradonačelnika
4. Glavnom koordinatorsu Vlade Brčko distrikta BiH
5. Arhivi



Obrazloženje

Ugovorni organ u predmetu broj: 13-003537/19 vodi postupak za izbor najpovoljnijeg ponuđača za nabavku usluga obaveznog osiguranja motornih vozila, radnih strojeva i motocikala u vlasništvu Brčko distrikta BiH za period 2020., 2021. i 2022. godinu. Postupak je u fazi žalbe. Budući da žalbeni postupak može uticati na blagovremenost osiguranja i registracije vozila u vlasništvu Brčko distrikta BiH, kao mjeru kojom se sprječava kašnjenje u postupku registracije vozila, ugovorni organ pokreće postupak javne nabavke u vrijednosti od 100.000,00 KM, kojim će se omogućiti nesmetano osiguranje vozila u periodu 2020. i 2021. godine, u trajanju od oko 1 godinu dana. Kada se okonča postupak u predmetu broj: 13-003537/19 ugovorni organ će raskinuti okvirni sporazum koji će se eventualno potpisati nakon okončanja pregovaračkog postupka koji je predmet ove javne nabavke.

U cilju transparentnosti ugovorni organ na pregovarački postupak poziva sva osiguranja koja su dostavila ponudu u predmetu broj: 13-003537/19 i to:

1. "OSIGURANJE AURA" A.D. BANJA LUKA, 78000 Banja Luka, Veljka Mladenovića 7d
2. DD ZA OSIGURANJE CAMELIJA BIHAĆ, 77000 BIHAĆ, 5. Korpusa br.3
3. SARAJEVO-OSIGURANJE D.D., 71000 Sarajevo, Čobanija 14
4. ASA OSIGURANJE D.D. SARAJEVO, 71000 Sarajevo, TRG MEĐUNARODNOG PRIJATELJSTVA 25
5. BRČKO-GAS OSIGURANJE D.D., 76000 Brčko, Banjalučka br
6. OSIGURANJE GARANT DD, 76101 Brčko, Banjalučka 54.

Pregovarački postupak bez objave obavještenja će se provesti u skladu sa članom 21. stav (1), tačka d) Zakona o javnim nabavkama Bosne i Hercegovine "kada, izuzetno zbog dokazivih razloga krajnje hitnosti, prouzrokovane događajima nepredviđenim za ugovorni organ, ne mogu ispoštovati ovim zakonom utvrđeni su minimalni rokovi za otvoreni, ograničeni ili pregovarački postupak sa objavom obavještenja. Okolnosti kojima se opravdava izuzetna hitnost postupka ni u kom slučaju ne smiju se dovesti u vezu sa ugovornim organom."

Plan javne nabavke za 2020. godinu nije donesen, te se u skladu sa članom 17. stav (1) donosi posebna odluka o pokretanju postupka javne nabavke.